

Na osnovu člana 16., 61. stav (1) i (2) Zakona o upravi ("Službeni glasnik BiH" br.32/02 i 102/09), te člana 14. stav (1) i stav (3) tačka a) Zakona o zrakoplovstvu BiH ("Službeni glasnik BiH" br. 39/09 od 19.05.2009. godine) i Pravilnika o dužini trajanja radnog vremena i vremena letenja („Službeni glasnik BiH“ br. 27/07 od 10.04.2007. godine) generalni direktor Direkcije za civilno zrakoplovstvo Bosne i Hercegovine, donosi:

PRAVILNIK O IZMJENI I DOPUNAMA PRAVILNIKA O DUŽINI TRAJANJA RADNOG VREMENA I VREMENA LETENJA

Član 1.

Preambula Pravilnika o dužini trajanja radnog vremena i vremena letenja (Sl.glasnik BiH broj 27/07), (u daljem tekstu: Pravilnik) mijenja se i glasi:

„Na osnovu člana 16., 61. stav (1) i (2) Zakona o upravi ("Službeni glasnik BiH", broj 32/02 i 102/09), člana 14. stav (1) i stav (3) tačka a) Zakona o zrakoplovstvu Bosne i Hercegovine ("Službeni glasnik BiH", broj 39/09), generalni direktor Direkcije za civilno zrakoplovstvo Bosne i Hercegovine donosi”

Član 2.

U članu 2. iza stava (2) dodaje se novi stav (3) koji glasi:

„(3) Ovaj Pravilnik se ne primjenjuje na članove posada aviona koji izvode operacije u komercijalnom vazdušnom transportu putnika i/ili roba u skladu da Potvrdom zračnog operatera –AOC koju je izdala Direkcija za civilno zrakoplovstvo Bosne i Hercegovine.“

U članu 2. iza stava (3) dodaje se novi stav (4) koji glasi:

„(4) Na članove posada i operatere iz člana 2. stav (3) ovog Pravilnika primjenjuju se odredbe Pododjeljka Q -Ograničenja vremena letačke dužnosti, vremena dužnosti i zahtjevi u pogledu potrebnog odmora, datim u Aneksu VI Pravilnika o usklađivanju tehničkih propisa i upravnih postupaka u području civilnog zrakoplovstva („Službeni glasnik BiH“ broj 81/10).

Član 3.

Dodaje se novi član 45. koji glasi:

„Zračni operateri su dužni da izvrše usklađivanje sa odredbama ovog Pravilnika u roku od 30 dana od dana stupanja na snagu.“

Član 4.

Ovaj Pravilnik stupa na snagu osmog dana od dana objavljivanja u „Službenom glasniku Bosne i Hercegovine“.

Broj:1-3-02-2-281-1/11
Banja Luka, 22.02.2011. godine

Generalni direktor
Đorđe Ratkovića, s.r.